



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy,
Displaced Persons and Refugees

Broj: 13-05/1-04-34176-12/25
Sarajevo, 13.10.2025. godine

- SKUPŠTINA KANTONA SARAJEVO
Služba za skupštinske poslove
- OVDJE -

- VLADA KANTONA SARAJEVO
Stručna služba Vlade
- OVDJE -

Predmet: Izjašnjenje na zastupničku inicijativu, dostavlja se

Zastupnik Jasmin Šaljić je, na 23. Radnoj sjednici Skupštine Kantona Sarajevo, održanoj dana 16.06.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo”, broj 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), uputio zastupničku inicijativu kako slijedi:

„Na osnovu informacija sa terena utvrđen je neravnopravan tretman ratnih vojnih invalida sa različitim kategorijama invaliditeta, a prilikom ostvarivanja prava na dječiji dodatak. Članom 55. Zakona o dopunskim pravima boraca propisano je da pravo na mjesečna novčana primanja imaju djeca ratnih vojnih invalida sa utvrđenim invaliditetom od 20 do 80%. Članom 136. Zakona o socijalnoj zaštiti, zaštiti civilnih žrtava rata i zaštiti porodice sa djecom propisano je da pravo da dodatak na djecu bez obzira na prihode pripada djetetu bez jednog roditelja ili oba roditelja, te porodici u kojoj je jedan od roditelja ili dijete imaju utvrđen invaliditet od najmanje 90%. U praksi to izgleda ovako. Djeca čiji roditelji imaju invaliditet od 20-80% ostvaruju pravo na dječiji dodatak u iznosu od 127,80 KM i koji je za 44 KM veći od djece roditelja koji imaju utvrđen invaliditet od 90 do 100% (amputirci i osobe u kolicima) čiji dodatak iznosi 84 KM. Na osnovu gore navedenog očigledno je da postoji neujednačenost/nelogičnost kod ostvarivanja istog prava (dječiji dodatak). S toga predlažem unificiranje prava bilo kod Ministarstva za rad i socijalnu zaštitu ili kod Ministarstva za boračka pitanja, te da se o ovoj inicijativi opredijeli Vlada KS uz učešće i dogovor navedenih ministarstava. Pošto se radi o vojnim kategorijama logično bi bi bilo da se izmjenom i dopunom Zakona o dopunskim pravima boraca propiše da pravo na mjesečna novčana primanja imaju djeca ratnih vojnih invalida sa utvrđenim invaliditetom od 20 do 100% djeca bez jednog ili oba roditelja u porodicama šehida, porodicama poginulih, umrlih i nestalih branioca, bez obzira na imovinski cenzus. Korisnici koji ostvare gore navedeno pravo ne mogu isto ostvariti po Zakonu o socijalnoj zaštiti, zaštiti civilnih žrtava rata, zaštiti porodice sa djecom.“

Nakon što smo razmotrili navedenu inicijativu, dajemo sljedeće izjašnjenje:

Pravo na dodatak na djecu propisano je u članu 136. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 – Prečišćeni tekst, 38/16, 44/17, 28/18, 52/21, 40/22 i 13/25) (u daljem tekstu: Zakon), a koji glasi:

„Pravo na dodatak na djecu bez obzira na prihode, pripada djetetu bez jednog ili oba roditelja, te porodici:

- u kojoj je jedan od roditelja ili dijete ima utvrđen invaliditet od najmanje 90%,*
- koja ima dijete ometeno u fizičkom ili psihičkom razvoju, što se dokazuje pravosnažnim rješenjem donijetim u skladu sa pravilnikom koji propisuje utvrđivanje preostale sposobnosti i razvrstavanju djece i omladine ometene u psiho-fizičkom razvoju,*
- koja ima dijete oboljelo od karcinoma, šećerne bolesti, leukemije, TBC, celijakije, kronove bolesti, ulceroznog kolitisa, hepatitisa B i C, epilepsije ili dijete sa poremećajem autističnog spektra,*
- čiji je jedan od roditelja korisnik stalne novčane pomoći.*

Pravo na dodatak na djecu bez obzira na prihode, pripada porodici koja ima troje ili više djece.

Iznos dodatka na djecu, za djecu, odnosno porodicu utvrđuje Kantonalno ministarstvo i ne može biti manji od 7 % prosječne plaće.

Iznos dodatka na djecu, za djecu, odnosno porodicu iz stava 1. ovog člana se uvećava za 50% iznosa dodatka na djecu za svako dijete.

Iznos dodatka na djecu, za djecu, odnosno porodicu iz stava 2. ovog člana se uvećava za 10% iznosa dodatka na djecu za svako dijete.“

Članom 137. istog zakona propisano je:

„Dodatak na djecu pripada djetetu do navršениh 18 godina.

Izuzetno od stava 1. ovog člana, djeci koja su ometena u fizičkom ili psihičkom razvoju, dodatak na djecu pripada za vrijeme školovanja i osposobljavanja za život i rad, a najkasnije do navršениh 26. godina.

Dodatak na djecu isplaćuje se i za vrijeme dok je dijete iz stava 2. ovog; člana, usljed bolesti ili liječenja, spriječeno da izvršava obaveze u školi, a najkasnije do navršениh 26 godina.“

Na osnovu Zakona, kao podzakonski akt, donesena je Instrukcija o iznosima novčanih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 14/25, 18/25 i 35/25). Istom je propisano da dodatak na djecu, iz člana 136. stav (3) Zakona iznosi 56,00 KM, uvećani dodatak na djecu, za svako dijete, iz člana 136. stav (4) Zakona iznosi 84,00 KM, uvećani dodatak na djecu za troje ili više djece, za svako dijete, iz člana 136. stav (5) Zakona iznosi 61,60 KM, a uvećani dodatak na djecu, iz člana 136. st. (4) i (5) Zakona iznosi 92,40 KM.

Iz navedenog proizilazi da dodatak na djecu za dijete bez jednog ili oba roditelja, te porodici u kojoj je jedan od roditelja ili dijete ima utvrđen invaliditet od najmanje 90% iznosi 84,00 KM.

Jasno je, a što je i navedeno u predmetnoj inicijativi, iznos naknade za dodatak na djecu/dječiji dodatak nije jednak za korisnike koji su navedeno pravo ostvarili na osnovu Zakona i korisnike koji su isto pravo ostvarili na osnovu Zakona o dopunskim pravima boraca-branitelja Bosne i Hercegovine

(“Službene novine Kantona Sarajevo”, br. 31/22, 8/24 i 13/25) (u daljem tekstu: Zakona o dopunskim pravima boraca-branitelja).

Obzirom na važeće zakonske i podzakonske akte, Ministarstvo trenutno ne može utjecati na iznos naknade, jer je isti propisan Zakonom.

Ministarstvo za boračka pitanja Kantona Sarajevo (u daljem tekstu: Ministarstvo za boračka pitanja) u Izjašnjenju na navedenu inicijativu, broj: 06-04-34176-11/25 od 25.06.2025.godine, navelo je da podržava ovu inicijativu, i da će nastojati izjednačiti primanja na ime dječijeg dodatka za djecu ratnih vojnih invalida svih procenata invaliditeta kroz buduće izmjene i dopune Zakona o dopunskim pravima boraca-branitelj, te da je jedini način ujednačavanja naknade obuhvatanje svih kategorija/procenata ratnih vojnih invalida u okviru Zakona o dopunskim pravima boraca-branitelja, što i jeste cilj zastupničke inicijative (uz osiguravanje dodatnih finansijskih sredstava za Ministarstvo za boračka pitanja).

Uzimajući u obzir sve gore navedeno, ističemo da Ministarstvo, također, podržava i cijeni opravdanom dostavljenju inicijativu.

Ministarstvo će kroz izmjene i dopune ili donošenje novog Zakona, uskladiti odredbe Zakona sa odredbama Zakona o dopunskim pravima boraca-branitelja, ukoliko dođe do usklađivanja istog sa predmetnom inicijativom.

S poštovanjem,


[Redacted signature] A
[Redacted signature] ković

Dostaviti:

1. Naslovu,
2. U spis,
3. A/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

